

Broj: 06-11-182-1/2026-R-12-15
Sarajevo, 09.07.2026. godine

Na osnovu člana 69. stav (3), a u vezi sa članom 68. stav (1) Zakona o javnim nabavkama („Službeni glasnik BiH“, br. 39/14, 59/22 i 50/24), na prijedlog stalne Komisije za provođenje postupaka javnih nabavki roba, usluga i radova, imenovane Rješenjem, broj: 08-30-184/2026 od 27.01.2026. godine, sekretar Vlade Federacije Bosne i Hercegovine, d o n o s i

O D L U K U
O OTKAZIVANJU/PONIŠTENJU POSTUPKA JAVNE NABAVKE ROBA –
NABAVKA KOMPJUTERSKE OPREME ZA POTREBE GENERALNOG SEKRETARIJATA
VLADE FEDERACIJE BOSNE I HERCEGOVINE

I.

Otkazuje/poništava se postupak javne nabavke roba – nabavka kompjuterske opreme za potrebe Generalnog sekretarijata Vlade Federacije Bosne i Hercegovine, evidencijski broj nabavke: 06-11-182-1/2026-R-12-1, broj Obavještenja o nabavci sa portala javnih nabavki: broj: 854-7-1-50-3-15/26 od 05.05.2026. godine, Sažetak obavještenja o nabavci objavljen u „Službenom glasniku BiH-Oglasnik javne nabavke“, broj: 33/26, jer drugorangirani izabrani ponuđač PRINTEX d.o.o. Sarajevo nije u ostavljenom roku dostavio dokumentaciju iz člana 45. st. (1) i (2) tačke a) do d) Zakona o javnim nabavkama.

II.

Ova odluka stupa na snagu danom donošenja i objavit će se na web stranici Vlade Federacije Bosne i Hercegovine - Generalnog sekretarijata Vlade Federacije Bosne i Hercegovine u skladu sa članom 70. stav (6) Zakona o javnim nabavkama, istovremeno s upućivanjem iste svim ponuđačima koji su učestvovali u predmetnom postupku javne nabavke.

III.

Danom donošenja ove odluke, Odluka o dodjeli ugovora drugorangiranom ponuđaču za javnu nabavku roba – nabavka kompjuterske opreme za potrebe Generalnog sekretarijata Vlade Federacije Bosne i Hercegovine, broj: 06-11-182-1/2026-R-12-12 od 23.06.2026. godine, stavlja se van snage i prestaje da važi.

O b r a z l o ž e n j e

Postupak nabavke pokrenut je Odlukom o pokretanju postupka javne nabavke, broj: 06-11-182-1/2026-R-12 od 04.05.2026. godine. Javna nabavka provedena je putem Konkurentskog zahtjeva za dostavu ponuda. Ukupna procijenjena vrijednost nabavke iznosila je 22.800,00 KM bez PDV-a. Obavijest o nabavci poslana je na objavu 05.05.2026. godine, te je istog dana objavljena na portalu Javnih nabavki pod brojem: 854-7-1-50-3-15/26, a Sažetak obavještenja o nabavci objavljen je u „Službenom glasniku BiH-Oglasnik javne nabavke“, broj: 33/26.

Tendersku dokumentaciju preuzela su 34 (tridesetčetiri) privredna subjekta, a 3 (tri) ponuđača dostavila su ponude u predmetnom postupku nabavke. Sve ponude su blagovremeno pristigle. U skladu sa provedenim predmetnim postupkom javne nabavke, ponude su dostavili sljedeći ponuđači: ELUR d.o.o. Kiseljak, PRINTEX d.o.o. Sarajevo i EMADO d.o.o. Sarajevo.

Stalna Komisija za provođenje postupaka javnih nabavki roba, usluga i radova, imenovana Rješenjem, broj: 08-30-184/2026 od 27.01.2026. godine, izvršila je pregled i ocjenu ponuda, te konstatovala da su, od ukupno 3 (tri) dostavljene ponude, prihvatljive 2 (dvije) i to ponude ponuđača: PRINTEX d.o.o. Sarajevo i EMADO d.o.o. Sarajevo, a da je ponuda ponuđača ELUR d.o.o. Kiseljak neprihvatljiva.

Ponuda ponuđača ELUR d.o.o. Kiseljak, sa registriranim sjedištem u Kiseljaku, ID broj: 4236010950005 ocijenjena je neprihvatljivom iz sljedećeg razloga:

- u Aneksu 3 - OBRAZAC ZA CIJENU PONUDE – ROBE (KOMPJUTERSKA OPREMA), u tabelarnom prikazu pod rednim brojem 1. RAČUNAR, u rubrici Tehnička specifikacija, alineja 8, traženo je: “- Portovi i povezivost: minimalno 5xUSB Type-A, 1xUSB Type-C, 1xRJ45 Gigabit Ethernet port i 1xAudio combo jack 3.5mm”.

Pregledom dostavljene detaljne tehničke dokumentacije ponuđenog DESKTOP računara i zvanične web stranice proizvođača ponuđene matične ploče ASRock B760-HDV/M.2 utvrđeno je da ponuđeni računar nema 1xAudio combo jack 3.5mm, što nije u skladu sa Tehničkom specifikacijom.

U skladu sa Pravilnikom o uslovima i načinu korištenja e-aukcije („Službeni glasnik BiH“, broj: 80/23) održana je e-aukcija dana 01.06.2026. godine, sa početkom u 10.00 sati, za javnu nabavku roba – nabavka kompjuterske opreme.

Komisija je, nakon održane e-aukcije, dostavila sekretaru Vlade Federacije Bosne i Hercegovine, Zapisnik o pregledu i ocjeni ponuda, broj: 06-11-182-1/2026-R-12-7 od 01.06.2026. godine i Preporuku o izboru najpovoljnijeg ponuđača EMADO d.o.o. Sarajevo, sa registriranim sjedištem u Sarajevu, ID broj: 4201929330005 za predmetnu nabavku.

Nakon konačnosti Odluke o izboru najpovoljnijeg ponuđača za javnu nabavku roba - nabavka kompjuterske opreme za potrebe Generalnog sekretarijata Vlade Federacije Bosne i Hercegovine, broj: 06-11-182-1/2026-R-12-8 od 02.06.2026. godine, Ugovorni organ je izabranom ponuđaču EMADO d.o.o. Sarajevo dostavio prijedlog ugovora na potpis. Dana 16.06.2026. godine, Ugovorni organ je putem pošte zaprimio akt izabranog ponuđača EMADO d.o.o. Sarajevo *Odustanak od Ugovora broj 05-11-1077/2026*, od 16.06.2026. godine, u čijem prilogu su vraćena 4 (četiri) originalna primjerka potpisanog ugovora. U spomenutom aktu navedeno je, između ostalog, da ponuđač EMADO d.o.o. Sarajevo odustaje od Ugovora.

U poglavlju V OSTALE ODREDBE, tačka 10. Garancija za uredno izvršenje ugovora, Tenderske dokumentacije propisano je, između ostalog, da u slučaju da izabrani ponuđač ne dostavi garanciju za uredno izvršenje ugovora, zaključeni ugovor se smatra apsolutno ništavim. U tom slučaju Ugovorni organ će ponuditi zaključivanje ugovora drugorangiranom ponuđaču.

Imajući u vidu navedeni akt ponuđača EMADO d.o.o. Sarajevo i činjenicu da garancija za uredno izvršenje ugovora nije dostavljena do krajnjeg roka za dostavu iste (19.06.2026. godine), u skladu sa članom 72. stav (3) tačka d) Zakona, Komisija je dala Preporuku sekretaru Vlade Federacije Bosne i Hercegovine, da se ugovor o javnoj nabavci roba dodijeli drugorangiranom ponuđaču koji je učestvovao u e-Aukciji i to ponuđaču PRINTEX d.o.o. Sarajevo, za predmetnu nabavku.

Nakon odustajanja prvorangiranog ponuđača EMADO d.o.o. Sarajevo od dodjele ugovora, Ugovorni organ je prihvatio Preporuku Komisije i u skladu sa članom 72. stav (3) tačka d) Zakona o javnom nabavkama donio Odluku o dodjeli ugovora drugorangiranom ponuđaču za javnu nabavku roba – nabavka kompjuterske opreme za potrebe Generalnog sekretarijata Vlade Federacije Bosne i Hercegovine, broj: 06-11-182-1/2026-R-12-12 od 23.06.2026. godine, kojom je, u predmetnom postupku nabavke izabran ponuđač PRINTEX d.o.o. Sarajevo, ID broj: 4200597450005.

U skladu sa članom 45. Zakona i poglavljem III UVJETI ZA KVALIFIKACIJU, tačka 1.2. Tenderske dokumentacije, izabrani ponuđač PRINTEX d.o.o. Sarajevo bio je dužan, da u roku od 3 (tri) dana od dana dostavljanja odluke o dodjeli ugovora drugorangiranom ponuđaču za javnu nabavku roba – nabavka kompjuterske opreme, dostavi originale ili ovjerene kopije dokumentacije iz člana 45. stav (1) i (2) tačke a) do d) Zakona.

Ponuđač PRINTEX d.o.o. Sarajevo nije u ostavljenom roku dostavio potrebnu dokumentaciju, te je Komisija nakon isteka roka za dostavljanje dokumentacije i isteka roka za izjavljivanje žalbe na Odluku o dodjeli ugovora drugorangiranom ponuđaču, u skladu sa čl. 68. stav (1) i 69. stav (3) Zakona, dala Preporuku rukovodiocu Ugovornog organa da se postupak javne nabavke roba – nabavka kompjuterske opreme za potrebe Generalnog sekretarijata Vlade Federacije Bosne i Hercegovine otkaže/poništi, s obzirom da više nema prihvatljivih ponuda koje su pristigle u predmetnom postupku javne nabavke.

Uzimajući u obzir naprijed navedeno, odlučeno je kao u dispozitivu ove odluke.

POUKA O PRAVNOM LIJEKU:

Protiv ove odluke svaki od ponuđača koji je učestvovao u postupku nabavke može izjaviti žalbu Uredu za razmatranje žalbi Bosne i Hercegovine putem ugovornog organa – Generalnog sekretarijata Vlade Federacije Bosne i Hercegovine, u pisanoj formi direktno, elektronskim putem ili preporučenom poštanskom pošiljkom, u roku od 5 (pet) dana od dana prijema ove odluke.



SEKRETAR VLADE
[Signature]
dr sci. Edita Kalajdžić

Dostaviti:

1. Svim ponuđačima u postupku
2. Komisiji za javne nabavke
3. Sektoru za pravne i opće poslove
4. Sektoru za materijalno-finansijske poslove